



bował, alias ich ieszcze za dogmata wiary nie mieć y- nie ogłaszać: toć o tych Artikułach ieszcze dubium; bo co do Wołoch z Kathechismem iachali byli, rebus infectis do domu iesieni ieszcze przesley powrucili, z Konstantinopola zas ieszcze nulla resolutio, ieszcze parturiunt montes; co z tey tak długiey deliberaciey nascetur, nie wiemy: to ieno słyseć, iż Graecy się z tem odzywaią, że nas Rus uczyć wiary nie będzie. A iesliż w tych Artikułach ieszcze wątpliwosc, tedy przynamniemy co się tych artykułow tyce, Disunio y teraz nie wie iako wierzy. Rzecz tak iasna iako iasniesza bydź nie może. Do tego na wymysłach nowych funduiące się fantazy, nie patrzaiące w xięgi stare słowieńskie, Ruski narod przywodzą. O wszystkich pomienionych artykułach dawne u Oycow świętych są conclusie, y wyraznie ichże xięgi po Katholicku uczą, ale muti oratores non persuadent pertinaciae vocali.

---

LXVIII.

Протестація отъ имени кїевснago митрополита П. Могила противъ несправедливо возведеннаго на него ксендзомъ Калишевскимъ обвиненїя въ укrywательствѣ якобы чернца-унїата Яна Казилковича.

1643 г. іюня 30.

*Року тисеча шестсотъ чотырдесять третего месеца іюня тридцатого дня.*

Передъ урядомъ и актами нинешними кгородскими, в замку его кор. милости Луцькомъ, и передо мною Андреемъ Гуляницкимъ, наместникомъ подстароства Луцкого, поневажъ панъ Ерій Кохановский, наместникъ замьку Кїевьского, тоє протестацїи знат з ранкуру якогос не хотел приняти, tedy постановившисе очевисто урожонїй панъ Остафей Выговьский, слуга ясне превелебного в Богу отьца Петра Могила, архиепископа метрополиты Кїевьского Галицкогo и всеє Руси, архимандрита монастыра Печерского, именовемъ его милости, также и именовемъ урожоного пана Яна Бобицкого, пленипотента его милости отьца метрополиты, скоро толко до ведомости пришла протестацїя нижей менованая, соленитеръ светчилъ и протестоваль



се напотивьку велебьному в Богу ксендзу Аньдресви Калишевьскому, также и противко шляхетному Миколаеви Волоскому возному о то, ижь помененый ксендзъ Калишевскій, приехавши до Киева з Смоленска з неякимсь ксендзем, чили черньцемъ Яномъ Козилковичомъ униятомъ и тутъ в Киеве килка дней мешкавьши, в катедралномъ костеле набоженъство отправоваль и помененого Козилковича, абы казане поведалъ в катедралномъ костеле Киевьскомъ в день Божого тела промововаль, потом, мешкаючи презъ килка дней з ним, визитационис кграция местьца светого, до монастыра Печерского помененый Козилковичъ приехал и в местечку монастырскимъ презъ килка се дней бавил, яко гость въ габите ксенжим, о которомъ доведавъшисе помененый ксендзъ Калишевскій, неситуръ, чили поведивъшисе с помененымъ Козилковичем, чили тежъ премедитато анимо хотячи трудность задават его милости отцу метрополите, пану протестуючого, дал рокъ од суду земьского Киевьского, абы помененого Козилковича его милость отецъ метрополита ставилъ, теде судъ земский Киевьский придал возного противъ праву посполитому, абы за пулмили был рокъ даный до ставеня того Козилковича, теде его милост отецъ метрополита, доведавъшисе о томъ Козилковичу, же се бавить въ местечку яко икгнота персона, а если бы былъ ксендземъ албо черньцемъ унияцкимъ неведаючи, казалъ ему мовить, абы се болшей в местечку Печарскимъ не бавечи перед судомъ справил, не хотечи турбации непотребное терпеть, поневажъ тотъ Козилковичъ не былъ суб юрисдикционе метрополита, и овшемъ персона икгнота, зараз теде помененый Козилковичъ становъши справовальсе у суду, а его милост отецъ метрополита за домовенемъ се пленипотента его милости отца метрополиты, то ест пана Бобицкого ест либеръ от статуициен, декретьемъ земьскимъ пронунциованой, а противко ставленому, то ест противко Козилковичу, акция дирикована, а форо апелляция допущона была на трибунал, теде помененый ксендзъ Калишевскій с помененымъ Козилковичемъ вперед до Брацтва Киевского, а потом и до церкви Братское инсимул з собою пошли и там се, яко мает его милост отецъ метрополита ведомост, поеднали, а поеднавъшисе до его милости пана Стефана Аѣсака суди земьского Киевьского, абы тотъ декретъ с протокулу былъ змазанный, поневажъ згода межи ними была, и о змазане того декрету о квит просили, а потом се в згоди розошли; по наступеню теде згоды на другий день, неведать ежели

пропри моту, чили тежъ з намовы чией смель и важиль се контра юс публикум етъ еквитатем протестацію в кгороде киевскомъ подат на его милост отъца метрополиты, же якобы мел того Козилковича чернѣца унияцкого и апотестате, яко он себе в своей протестаціей менил, до себе взять, а помененый панъ Бобицъкий, слуга и пленипотентъ его милости отца метрополиты мел его впровадити до монастыра Брацкого Киевского, а велебный в Богу отецъ Зеновий Боруховський, якобы ему мел коня до одяханя подати, а помененый возный смел и важилсе таковое реляции фалшивое признавать, яко бы мел у его милости отца метрополиты у двоухъ крот сто тисечей копъ литовскихъ, помененого Козликовича в монастыре Брацкомъ арештовать, а его милость отецъ митрополита яко бы тот арешть (што ни кгда не было) мял принять, яко о томъ помененого ксендза Калишевського криминалис протестація етъ фалсе рекогнита возного реляция ширей в себе обмовляет. Теды помененый его милост отецъ метрополита пана протестующого, скоро пришла тая протестація и возного реляция до нуллитате тое протестаціей и возного фалшивое реляции, поневажъ ксендзъ Калишевський помененого Козилковича, яко онъ его менил быти апостате, зараз з ратуша з собою взял и з нимъ пошоль, а помененый панъ Янъ Бобицъкий, слуга и пленипотентъ его милости отъца метрополиты, иншихъ справъ, ажъ до одволаня справъ, пилноваль, и отецъ тежъ Боруховський на послушаню монастырскимъ был, до того же его милост отецъ метрополита не тылко жебы мелъ трымати апостатов, але и слыхати о нихъ не хочеть, о неважностъ тое протестаціей итерумъ атьве итерумъ протестовал се, оферуючи помененый протестансъ такъ зъ его милости ксендзомъ Калишевскимъ рационе верборумъ колюмнозорумъ, яко и з вознымъ рационе фалсе рекогните реляциевие ин форо компетенти правне о то чинит, салвамъ мелиорационем тое протестації, иншое волное, быле бы того потреба, чинене его милости отцу метрополитови и пленипотентови оного его милости пану Бобицкому остерегши, а на тот часъ просиль, абы тая его протестація до актъ нинешньнихъ была принята и записана; што отрымал.

*(Изъ гродской мучкой книги, хранящейся въ Киев. Центральномъ Архивъ, подъ № 2481, л. 1002).*